

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
30.06.2023թ. կայացված ԱՆ087399 որոշումն անփոփոխ, իսկ վարչական բողոքն առանց
բավարարման թողնելու մասին

<< 23 >> 08 2023թ. 7-13 - 9015

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս,
վերանայելով Դավիթ Գալստյանի ՄԴ/60292-23 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Արևրատի մարզի Դարբնիկ գյուղի Կենտրոնական փողոցի 15 տան բնակիչ Դավիթ
Գալստյանը դիմումում իր անհամաձայնությունն է հայտնել Ճանապարհային ոստիկանության
վարչական իրավախախտման վերաբերյալ գործով 30.06.2023թ. կայացված ԱՆ087399
որոշմանը՝ նշելով, որ իրավախախտում չի կատարել: Միաժամանակ խնդրել է դիմումը
քննարկել առանց իր մասնակցության:

Դիմումի քննարկման արդյունքում պարզվել է, որ վարչական իրավախախտման
վերաբերյալ գործով 30.06.2023թ. կայացված ԱՆ087399 որոշումը ենթակա է կատարման՝
հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի
համաձայն՝ վարչական իրավախախտման վերաբերյալ գործի ապացույցներ են համարվում
ցանկացած այն փաստական տվյալները, որոնց հիման վրա օրենքով սահմանված կարգով
մարմինները (պաշտոնատար անձինք) հաստատում են վարչական իրավախախտման
առկայությունը կամ բացակայությունը, տվյալ անձի մեղավորությունը այն կատարելու մեջ և
գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի
2-րդ մասի՝ այդ տվյալները հաստատվում են հետևյալ միջոցներով՝ վարչական
իրավախախտման վերաբերյալ արձանագրությամբ, վարչական պատասխանատվության
ենթարկվող անձի բացատրություններով, տուժողի, վկաների ցուցմունքներով, փորձագետի
եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ
արձանագրությամբ, ինչպես նաև այլ փաստաթղթերով:

Վարչական իրավախախտումների վերաբերյալ ՀՀ օրենսգրքի 123-րդ հոդվածի 4-րդ մասի
համաձայն՝ ապակիների լուսաթափանցելիության չափի խախտմամբ կամ առջևի
հողմապակին թաղանթապատված վիճակում կամ կարգի խախտմամբ վարագուրապատված
տրանսպորտային միջոցները վարելը առաջացնում է տուգանքի նշանակում՝ սահմանված
նվազագույն աշխատավարձի քսանհինգապատիկի չափով:

Մաքսային միության հանձնաժողովի 09.12.2011թ. թիվ 877 որոշման Մաքսային միության
տեխնիկական կանոնակարգի (ՄՄ ՏԿ 018/2011) Հավելված 8-ի 4-րդ կետի 4.3 ենթակետի
համաձայն՝ հողմապակու և ապակիների լուսանցիկությունը, որոնց միջով ապահովվում է
վարորդի համար տեսանելիությունը, պետք է կազմի առնվազն 70 %:

Վարչական վարույթի շրջանակներում առկա նյութերի ուսումնասիրությամբ պարզվել, որ 30.06.2023թ. ժամը 11:10-ի սահմաններում Մասիս քաղաքի Հանրապետության փողոցում Դավիթ Գալստյանի վարած <<BMW>> մակնիշի 75GU075 հաշվառման համարանիշի տրանսպորտային միջոցը կանգնեցվել է Ճանապարհային ոստիկանության ՃՊԾ 2-րդ սպայական գումարտակի 1-ին սպայական վաշտի 2-րդ սպայական դասակի տեսուչ, ոստիկանության կապիտան Գ.Մովսիսյանի և նույն դասակի ավագ տեսուչ, ոստիկանության մայոր Գ.Մելքոնյանի կողմից՝ ավտոմոբիլի առջևի կողային ապակիները լուսաթափանցելիության սահմանված չափի խախտմամբ վարելու համար, ինչի արդյունքում վարորդի ներկայությամբ և մասնակցությամբ կազմվել է համապատասխան վարչական իրավախախտման վերաբերյալ արձանագրություն և Վարչական իրավախախտումների վերաբերյալ ՀՀ օրենսգրքի 123-րդ հոդվածի 4-րդ մասով կայացվել է վարչական իրավախախտման վերաբերյալ գործով ԱՆ087399 որոշումը:

Ճանապարհային ոստիկանության ՃՊԾ 2-րդ սպայական գումարտակի 1-ին սպայական վաշտի 1-ին սպայական դասակի տեսուչ, ոստիկանության կապիտան Գ.Մովսիսյանը Ճանապարհային ոստիկանության վարչական բոլորքների քննության բաժնում բացատրություն է տվել այն մասին, որ նույն դասակի ավագ տեսուչ, ոստիկանության մայոր Գ.Մելքոնյանի հետ 30.06.2023թ-ին ժամը 11:10-ի սահմաններում Մասիս քաղաքի Հանրապետության փողոցում ծառայություն կատարելու ժամանակ <<BMW>> մակնիշի 75GU075 հաշվառման համարանիշի տրանսպորտային միջոցը կանգնեցվել է առջևի կողային ապակիների լուսաթափանցելիության սահմանված չափի խախտմամբ վարելու կասկածով: Ստուգման արդյունքում պարզվել է, որ ավտոմոբիլի առջևի կողային ապակիների լուսաթափանցելիությունը կազմել է 3.6%, ինչը չափվել է WTM-1100 տեսակի 1055055 գործարանային համարի ապակիների լուսաթափանցելիության չափիչ սարքով, որից հետո վարորդի ներկայությամբ և մասնակցությամբ կազմվել է համապատասխան վարչական իրավախախտման վերաբերյալ արձանագրություն և Վարչական իրավախախտումների վերաբերյալ ՀՀ օրենսգրքի 123-րդ հոդվածի 4-րդ մասի համաձայն կայացվել վարչական իրավախախտման վերաբերյալ գործով ԱՆ087399 որոշումը: Միաժամանակ ոստիկանության ծառայողը ներկայացրել է WTM-1100 տեսակի 1055055 գործարանային համարի ապակիների լուսաթափանցելիության չափիչ սարքի 092075 ստուգաչափման վկայականը, ինչը ստուգաչափվել է ՀՀ Էկոնոմիկայի նախարարության <<Ստանդարտացման և չափագիտության ազգային մարմին>> ՓԲԸ-ի կողմից և այն ուժի մեջ է 05.04.2023թ. մինչև 05.04.2024թ.:

Հարկ է նշել, որ Վարչական իրավախախտումների վերաբերյալ ՀՀ օրենսգրքի 123-րդ հոդվածի 4-րդ մասի պահանջը խախտելու համար արարքը նվազ նշանակություն ունեցող գնահատելու համար որևէ պայման սահմանված չէ (դիտավորություն, անզգուշություն և այլն):

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ ճանապարհային երթևեկությունը կարգավորող ոստիկանության ծառայողը պարտավոր է սույն հոդվածի երրորդ մասով սահմանված կարգով ազդանշան տալով կանգնեցնել տրանսպորտային միջոցը, եթե՝ ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները, կամ տրանսպորտային միջոցի ընթացքը կամ տեղափոխվող բեռը, կամ վարորդը կամ ուղևորներն իրենց վարքագծով ակնհայտորեն վտանգ են ստեղծում երթևեկության անվտանգության համար:

Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 123-րդ հոդվածի 4-րդ մասի հատկանիշն, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 30.06.2023թ. կայացված ԱՆ087399 որոշումը թողնել անփոփոխ, իսկ վարչական բողոքն՝ առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ Վարչական դատարան օրենքով սահմանված կարգով և ժամկետներում.
3. Սույն որոշման օրինակն ուղարկել Դավիթ Գալստյանին:



Ն.Սարգսյան